



ЯВЛЯЮЩЕГО СЯ
ПРЕПОДОБНОМУ ФЕОДОРИТУ,
ПРОСВЕТИТЕЛЮ КОЛЬСКОМУ



ПРЕПОДОБНЫЙ ФЕОДОРИТ, ПРОСВЕТИТЕЛЬ КОЛЫСКИЙ

ДНИ ПАМЯТИ

17/30 августа –
день блаженной кончины в 1571 году

8/21 марта –
день именин в постриге
(постриг в 1494 году,
память сщмч. Феодорита Антиохийского)

9/22 августа –
в Соборе Соловецких святых

В 3-ю Неделю по Пятидесятнице –
в Соборе Новгородских святых

В 3-ю Неделю по Пятидесятнице –
в Соборе Вологодских святых

ТРОПАРЬ

преподобному Феодориту. Глас 4:

От юности, премудре, прилежно подвизался еси, / пустынный жителю и в телеси Ангеле, / исцеляеши недужныя и души верою просвещаеши, / апостолом сопричастниче, Слово Божие возвестил еси, / всея Лапландии просветителю, / обителей и храмов Божиих зиждителю, / Феодорите, отче всеблаженне, / моли Христа Бога // спастися душам нашим.

КОНДАК

преподобному Феодориту, глас 5:

Обители Соловецкия отрасли многоплодная, / монахов наставниче, покаяния проповедниче, / царя земнаго дары небеснаго ради Царствия отвергл еси, / красотою душевною в земли Северней просиял еси, / радуйся, богомудре отче Феодорите, // земли Кольския заступниче теплый.

КРАТКОЕ ЖИТИЕ

преподобного Феодорита Кольского

Великий подвижник XVI века преподобный Феодорит Кольский – первый из святых Крайнего Севера, с детства возжелавший послужить Богу и сознательно готовившийся к великой миссии – просвещению Кольского края.

Преподобный Феодорит Пустынник родился в Ростове Великом в 1481 году. С малолетства обучался книжному слову и языкам в монастыре при ростовском архиерейском доме. Трудясь над переписыванием книг для Соловецкой библиотеки, возревновал юный «дьячишка Федор» о повторении подвига святителя Стефана, просветившего в XV веке светом веры Евангельской языческие народы Великой Перми.

С 1493 года двенадцатилетний отрок Феодор уже числится в послушниках «на Соловецком острове, в монастыре, иже лежит на Ледовом море». Через год он принимает постриг с наречением имени Феодорит. В течение семнадцати лет проходит послушание в Шуереченском скиту у «святого, премудрого и многолетнего» старца Зосимы. Затем убывает в «Заволжские пустыни», постигая великую науку священнобезмолвствующих. Укрепившись духом, на двенадцать лет уходит в «лопарские пустыни» для проповеди местным народностям.

Скупые строки летописей того времени доносят до нас ясные свидетельства успешности его миссионерских трудов.

1526 год – Кандалакшский залив, устье реки Нивы. «Освящали церковь Рождества Иоанна Предтечи и многих лоплян крестили во имя Отца и Сына и Святого Духа в нашу Православную веру христианскую».

1533 год – Кольский залив, устье реки Колы. «Церкви Божия освящали, Благовещения Святой Богородицы да Чудотворца Николу, и самих многих крестили Лоплян во имя Отца и Сына и Святого Духа в нашу православную и святую веру».

С 1533 по 1540 год – «Заволжские пустыни», скиты Кирилло-Белозерского монастыря. Здесь Феодорит трудится над созданием письменности для лопарского народа.

1540 год – «на устье Колы реки созидает монастырь», ставит «церковь во имя Пребезначальной Троицы и, собрав братию, дает им Устав».

1542 год – Феодоритом было явлено чудо: «наученных от Феодорита и оглашенных Лоплян единого дня крестилось яко две тысячи человек со женами и детьми». В это время старец Феодорит, как духовный отец и учитель преподобного Варлаама Керетского, благословляет его на небывалый трехлетний подвиг покаянного плавания в открытом море.

С 1548 по 1551 годы – вновь в Кандалакше, где созидает Рождества-Богородичный (Кокуев) мужской монастырь и «бывает в нем игуменом».

С 1551 года – Феодорит поставляется в настоятели Спаса-Евфимиева Суздальского монастыря.

В 1556 году Иван Грозный посылает архимандрита Феодорита, как «премудрого богослова», в Константинополь, где он блестяще выполняет важнейшую дипломатическую миссию, доставив из Царьграда для Российского Государя «древнюю книгу» с благословением Вселенского Патриарха на возведение Ивана Грозного в Царское достоинство по чину «венчания на царство».

императоров византийских». Таким образом получает официальный статус идея наследования Московским царством достоинства Византийской империи: «Москва – Третий Рим».

Последние четырнадцать лет своей жизни преподобный Феодорит проводит в «лопарских пустынях», духовно окормляя крещеный им лопарский народ и братию северных монастырей – Кандалакшского Рождества-Богородичного и Печенгского Свято-Троицкого.

В этом славном делании Кольский старец не останется одинок. Феодорит, как духовный отец, породил великий сонм святых Кольского Севера, оставил после себя целую плеяду последователей школы монастырского старчества. Среди его учеников такие знаменитые подвижники, как преподобные Трифон Печенгский и Варлаам Керетский, преподобномученики Иона и Герман, игумен Гурий и с ним 116 мучеников Печенгских.

Преподобный Феодорит отошел ко Господу в возрасте 90 лет и был погребен близ южной стены Преображенского собора Соловецкого монастыря, о чем гласила надпись на белой могильной плите: «Лета 7079 (1571) августа 17 дня преставися раб Божий священно-архимандрит Суздальский Евфимиева монастыря, священноинок Феодорит, Соловецкий постриженник».

В 2003 году по благословению первого архиерея «Великой Лапландии», епископа Мурманского и Мончегорского Симона, Феодорит, просветитель Кольского края, самым первым из святых, в земле Кольской просиявших, был прославлен в лике преподобного, с установлением дня его памяти 17/30 августа.

МЕСЯЦА АВГУСТА В 17-Й ДЕНЬ (30 АВГУСТА ПО Н. СТ.)

Святаго преподобнаго и богоноснаго отца нашего
Феодорита Кольскаго, просветителя лопарей

НА МАЛОЙ ВЕЧЕРНИ

На Господи, возвах: **стихиры на 4, глас 4:**

От юности Христу любовью прилепился еси, / Божественными смысли живот свой исполняя. / Егда же Божественное рачение прииде на тя, Феодорите славный, / тогда, апостолом подобясь, просвещник великия Лапландии явился еси, / и невещим людем в дальних странах полнощных Бог тобою познан бысть. / Темже ты, яко учителя и наставника благочестия, // попремногу вси вернии ублажаем.

Священнаго Писания от младенства научився, богоносе Феодорите, / и премудрость от вышняго Промысла прием, / писания новая ко Христову познанию изложил еси, / древле во тьме неверия лежащая ныне к свету богоразумия воздвигл еси / и всех научил еси веровати в Троицу Единосущную, во Едином Божестве почитаемую. / Юже моли о нас, Феодорите пречудне, // спаси и просветити души наша.

Безплотных ликостоянию уподобился еси, Феодорите Богоносе, / небесный человеке и земный ангеле, / кроме мира суетнаго пустыни соделал еси на Колье и Ниве-реце, / идеже обители составил еси, отче преподобне, монахов удобрение. / Темже ты вси, яко духовнаго отца и ревнителя апостолом, ублажаем и молимся тебе: // моли спастися всем, священную твою память почитающим.

Слава, глас 8:

Веселися, земле Кольская, / в тебе же плод радости нам процветет, / преподобный Феодорит, благодатию Божией благоуханный. / Егоже величающе, Христа Бога славим, / преподобнаго же усердно молим: // моли спастися душам нашим.

И ны́не, пра́здника, глас 5:

Воспойте, лю́дие, / Ма́тери Бо́га на́шего, воспойте: / днесь бо
всесвѣтлую ду́шу Свою́ в пречы́стыя длáни, / И́же из Нея́ Во-
пло́щшагося, без се́мене предаёт, / Егóже и мо́лит непреста́нно //
дарова́ти вселѣнней мир и ве́лию ми́лость.

Проки́мен дне. На стихо́вне стихи́ры, глас 2:

Чистоты́ усѣрдный храните́лю, / Божѣственною любóвию,
о́тче, распала́емь, / мирску́ю честь и бога́тство ни во что́же
вмени́в, / небѣсное бога́тство и сла́ву ве́чную восприя́л еси́. / Ре-
ко́ша наро́ди лóпстии: Феодори́т Ру́сский широко́ ходит; / та́ко
не убо́яся тягoты, и долготы́ пу́тныя, и стúдени, / ниже́ уклони́-
ся та́мо нечестивых челове́к сопроти́вления, // но вся претерпел
еси́ и всех Бо́гу привёл еси́.

Стих: Честна́ пред Го́сподем / смерть преподо́бных Егó.

Се́мя Слова́ Божия́ в сердца́х наро́дов се́верных посе́ял еси́, /
Феодорите́ пусты́нниче, / и, Христу́ подо́бяся, взыска́ти заблúжд-
ших пришёл еси́, / ихже обрёт, ходата́й ве́рный явився о ста́де
своём пред Бо́гом. // Тогó моли́ умирíti мир и спасти́ ду́ши на́ша.

Стих: Блаже́н муж, боя́йся Го́спода, / в за́поведех Егó восхо́щет
зелó.

Свѣтом Трисóлнечным Святы́я Трои́цы озари́вся, преподо́б-
не, / невидимых вра́г шата́ния и ко́зни низложив, / от Христа́
Бо́га сугуб венѣц прия́л еси́, / ра́дость и сла́ву ве́чную насле́довал
еси́, / ея́же нам сподóбитися моли́твами твоими́ // моли́ Ми́ло-
стиваго Бо́га, преблаже́нне о́тче наш Феодорите́.

Сла́ва, глас 8:

Зри́, христиани́не вре́мен ны́нешних, / воистину́ си́е удивле́-
нию досто́йно: / кии хра́брии обрета́лися суть ста́рцы / в пра-
восла́вней христиа́нстей стране́: / во правове́рных догма́тах вос-
пита́ннии, / Ко́льския земли́ просветители́, / егда́ престаре́ются
и изнемо́гут те́лом, / ко́льми́ па́че хра́брство ре́вностию по бла-
гочѣстию полага́ют // и остро́зрительнейшии и приятнейшии
к Бо́гу быва́ют.

И ныне, праздника, глас тойже:

Девичестию лица / днесь тайно одру Девы и Матере окрест
предстоят, / и души праведных, обступивше, Царицу славят. /
Ови убо, яко дар, девство вместо мира приносят, / ови же невеще-
ственное пение с добродетелию приносят: / подобает бо Матери
Божии, яко Царице, / царскими добродетельми светлосияющи-
ми дориноситися. / С нимиже и мы, житие чистое совнесше, /
изыдем к погребению сущия Матере Бога нашего, / пеньми и
песнями духовными // согласно Ю убожающе.

Тропарь писан на велицей вечерни.

Слава и ныне: праздника.

Ектения малая и отпуст

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, возвах: стихиры на 8.

Стихиры праздника, глас 4:

Яже Жизнь, Богородице, зачэншая, / умираеши законом есте-
ства / и преходиши от земли к Небесным / манием Воплощ-
шагося от Пречистых и Божественных кровей Твоих. / Темже от
конец Тебе вси предсташа, / богогласнии апостоли Тя погреб-
сти, / песненно Тебе вещающе: / Одушевленный Престоле всех
Царя / и честныя Святыни Ковчеже, // радуйся, Единая, рождающая
Спаса душ наших.

Света чистейшаго приятелища, / светильницы, разоршии
ночь многобожную, / Спасовы апостоли, / облак Божествен-
ный, / из негоже незаходимый Свет возсия, / егда духом пре-
ставлену Тя от мирских уведеша, Благословенная, / к премирней
радости облаком преидоша, / исходными песнями Тя проводив-
ше / ко гробу живоносному, // Богородице, упование наше.

Да празднует тварь молебно: / всех Царица к Царству мыслен-
ному преиде, / сцарствовать Царствующему всею тварию. / Еяже
ради разрушися адово царство, / и мы от земли вознесохомся, / и
со Ангелы жити сподобихомся. / Еяже успением собрася мыслен-
ное естество все, // патриарси, пророцы и с мученики апостоли.

Ины стихиры преподобнаго, глас 4:

Земли Ростовския прозябение, / благая поросль родителей
благочестных, / Феодорите преподобне, / равноапостоль-
ным служением в земли Кольстей просиял еси, / лопь языческую
светом Христовым просветил еси, // подобяся просветителю зы-
рян Стефану.

Богом избранный, / от юности подвизался еси в Ростовстем
затворе, / в единонадесять лет во обитель Соловецкую пришел
еси, / преподобному Досифею послушником книжным вдался
еси, / книг Досифеева данья переписал еси множество, // смирен-
но именуя себе первым во грешниках дьяцишкой Феодором.

Иноческому житию прилежал еси, преподобне, / душею к
Богу припадая / и служити Ему всем сердцем желая, / иноческий
постриг в Соловецкой обители приял еси, // тринадцатолетним
отроком пребывая.

Слава, глас 6:

Мужески бо естество понудив, / от страстей постнически из-
бавился еси, / и, плоть поработив духу, / правило добро-
детели показался еси, / многим монашествующим учитель и
наставник явился еси, / и, предстоя Престолу Божию, / молися,
преподобне отче наш Феодорите, // о ныне в монашестве под-
визающихся.

И ныне, праздника, глас 2:

Яже небес вышшая сущи, / и Херувим славнейшая, / и всея
твари честнейшая, / Яже премногия ради чистоты / Присно-
сущнаго Существа приятелище бывши, / в Сыновне руке днесь
всесвятую предаёт душу, / и с Нею исполняются всяческия радо-
сти, // и нам дарует велию милость.

Вход. Прокимен дня. Чтения три. Премудрости Соломоновы чтение:

Праведных души в руке Божией, и не прикоснется их мука. /
Непщевани быша во очию безумных умерети, и вменися оз-
лобление исход их, / и еже от нас шествие – сокрушение, они же
суть в мире. / Ибо пред лицом человеческим аще и муку примут,

упованіе их безсмертія исполнено. / И в мале наказани бывше, великими благодетельствовани будут, яко Бог искуси я и обрете их достойны Себе. / Яко злато в горниле, искуси их и, яко всеплодие жертвенное, прият я. / И во время посещения их возсияют и, яко искры по стеблию, потекут. / Судят языком и обладают людьми, и воцарятся в них Господь во веки. / Надеющиеся Нань разумеют истину, и вернии в любви пребудут Ему. / Яко благодать и милость в преподобных Его, и посещение во избранных Его.

Премудрости Соломоновы чтение:

Праведницы во веки живут, и в Господе мзда их, и попечение их у Вышняго. / Сего ради примут Царствие благолепия и венец доброты от руки Господни, / зане десницею покрывает их и мышцею защитит их. / Примет всеоружие рвение Свое и вооружит тварь в месть врагом. / Облечется в броня правды и возложит шлем – суд нелицемерен. Примет щит непобедимый – преподобие, / поострит же напрасный гнев во оружие, споборет же с ним мир на безумных. / Пойдут праволучныя стрелы молниины и, яко от благокругла лука облаков, на намерение полетят. / И от каменометныя ярости исполнь падут грады, / вознегодует на них вода морская, реки же потопят я нагло. / Спротив станет им дух силы и, яко вихор, развеет их, / и опустошит всю землю беззаконие, и злодейство превратит престолы сильных. / Слышите убо, царие, и разумейте, навыйкните, судий концев земли. / Внутрите, содержащии множества и гордящися о народах языков, / яко дана есть от Господа держава вам и сила от Вышняго.

Премудрости Соломоновы чтение:

Праведник же аще постигнет скончаться, в покои будет. / Старость бо честна не многолетна, ниже в числе лет исчитается. / Седина же есть мудрость человеком, и возраст старости – житие нескверно. / Благоугоден Богу быв, возлюблен бысть, и живой посреде грешник преставлен бысть: / восхищен бысть, да не злоба изменит разум его, или лесь прельстит душу его. / Рачение бо злобы помрачает добрая, и парение похоти пременяет ум незлобив. / Скончався в мале, исполни лета долга, угодна бо бе Господеви душа его, сего ради потщася от среды лукавствия. / Людие же видевшие и не разумевше, ниже положше в помышлении таковое, / яко благодать и милость в преподобных Его и посещение во избранных Его.

На литий стихира храма и святаго, глас 1:

Благословением старца Зосимы / на созерцание во обители северныя отшел еси. / Преподобному Александру Свирскому исперва явился еси, / той же рекл еси прозорливо: / сей есть сын Авраамль, Феодорит диакон. / И чистый чистому, непорочный непорочному // целованием воздал еси.

Зело возлюбил еси, преподобне отче Александре, / подвижника младого Феодорита, / во обители Живоначальныя Троицы подвижающагося, / сослужащаго диаконом братии и преподобному, / поучающагося пустынножительству и премудрости Божией, / устроющаго обители в местех пустынных, / сим устроена бысть обитель Святыя Троицы при Коле-реце // на краю земли северныя.

Слава, глас 5:

От младенства добродетели прилежав, / сосуд Духа Святаго, преподобне Феодорите, явился еси, / чистоту и целомудрие соблюл еси, / прост и кроток, сердцем смирен, верен Богу, / отче преблаженне, был еси, / истинною премудростию просвещенный, сердце свое Христу вверил еси, / почестей земных не искавый, всем помышлением к Богу простиравыйся, // отче Феодорите, моли Христа Бога о нас.

И ныне, праздника, глас 3:

Светлое жилище добродетелей соверши мя, Препетая, / отже ни облак страстей и Вышняго Причастия сподоби / и Света Невечернаго Твоими молитвами. / На милость Твою уповаю и тако воспою: / якоже во Успении Твоем мира не оставила еси, / буди нам Путеводительница / во Царствие Сына Твоего и Бога нашего. / Живуща на земли, огради мя и избави от искушений, / исходяща же от земли к жизни вечней, // защити мя, Матеродево, благоутробием Твоим.

На стиховне стихиры, глас 5:

Крест Христов взем от юности твоея, / Богу послужил еси. / Чистоту, смирение, нестяжание и терпение / трудами своими обрел еси, / послушание монашеское соблюл еси. / Темже и мы, почитая тя, молим: / преподобне отче Феодорите, // помози и нам в сих добродетелях преуспети.

Стих: Честна пред Господем / смерть преподобных Его.

Душею и телом девственный, / постом, поклоны, стоянием на молитве, / бдением неустанным плоть умертвил еси. / В подвигах дневных и ночных течение совершил еси / и народ лопарский в вере наставил еси. / Ныне свету великому, яко венечник святой, предстоиши: / поминай изрядное твое достояние, / еже многими труды, отче, стяжал еси, // да вси тя ублажаем.

Стих: Блажен муж, бойся Господа, / в заповедех Его восхощет zelo.

Еще в телеси тленном пребыв, / безтелесными и невещественными почтен достоинствы, / по воздуху шествия творил еси. / И, яко апостол Павел, / восхищаемь был еси во обители небесных, / идеже видении неизреченными Бог посети тя. / Благодатию Духа Святаго недужных, притекающих к тебе, целил еси, / прокаженных очищал еси, / чувства покаянная в людех пробуждал еси // и многих на путь спасения и веры наставил еси.

Слава, глас 2:

Премудрости сокровище быв, преподобне Феодорите, / сердца неверных людей учением твоим просветил еси, / благодетеля семена насадив. / Темже ты вси, яко учителя премудра, / достоительно ублажаем и молимся: / молися Христу, Ему же от юности поработал еси, / от навет вражиих избавити нас // и спасиися душам нашим.

И ныне, праздника, глас тойже:

В сенепорочная Невеста / и Мати благоволения Отца, / Яже Богу пронареченная, / во Свое Емуже жилище / неслитного соединения / днесь пречистую душу Творцу и Богу предает, / Юже Безплотных силы боголепно подъяют, / и к Животу преставляется сущая Мати Живота, / Свеща неприступнаго Света, // спасение верных и упование душ наших.

На благословении хлебов тропарь святому, дважды, глас 4:

От юности, премудре, прилежно подвизался еси, / пустынный жителю и в телеси Ангеле, / исцеляеши недужных и души верою просвещаети, / апостолом сопричастниче, Слово Божие возвестил еси, / всея Лапландии просветителю, / обителей и храмов Божиих зиждителю, / Феодорите, отче всеблаженне, / моли Христа Бога // спасиися душам нашим.

И праздника, глас 1:

В рождестве дѣвство сохранила еси, / во успении мира не оставила еси, Богородице, / преставилася еси к животу, Мати сущи Живота, // и молитвами Твоими избавляеши от смерти души наша.

НА УТРЕНИ

На Бог Господь: тропарь праздника *(дважды)*.
Слава – преподобному. И ныне – праздника.

По 1-й стихологии седален, глас 3:

Землю оставил еси и небесных обителей жителем сподобился еси быти, / чистотою жития своего, любовью к Богу и ближнему просиял еси, / ныне же у Престола Божия среди ликов апостолов, преподобных и мучеников молиши за ны, недостойныя. / Не остави нас, преподобне отче Феодорите, / моли Господа даровати нам, грешным, велию милость // ко спасению душ наших. *(Дважды)*

Слава, и ныне: праздника, глас тойже:

В небесная мысленная Твоя душа, в Рай чистое Твое тело преставися, / от тли, Пренепорочная, в место светло, / сего ради воздаст беззаконным Господь, / леств бо соделаша честному Твоему телу. // Темже со апостолы вопиём: радуйся, Благодатная.

По 2-й стихологии седален, глас 5:

Священному Писанию от младенства научився, богоносе Феодорите, / в дальняя места пришёл еси, / и неведущим Бог тобою познася. / Идеже прелесть почитаема быше, / тамо же ныне людям, во тьме неверия лежащим, / вера Христова тобою даровася, преподобне, / и, яко солнце, в сердца неверных возсия. / Всех научил еси в Трёх Лицах Едино Божество веровати, // темже священную Твою память достождно ублажаем. *(Дважды)*

Сла́ва, и ны́не, пра́здника, глас 4:

Вру́це нас ра́ди Вочелове́чшагося из Тебе́ преда́вши ду́шу, / я́ко
Зижди́телю Твоему́ и Бо́гу, / к жизни нетле́нной преста́вилася
еси́. / Те́мже Тя че́стно ублажа́ем, еди́ну чи́стую и нескве́рную, /
и, Богоро́дицу вси и́стинно испове́дающе, взыва́ем: // Христа́
моли́, к Нему́же преста́вилася еси́, спасти́ ду́ши на́ша.

По полиеле́и велича́ние:

Ублажа́ем тя, / преподо́бне о́тче наш Феодорите, / и чтём рав-
ноапосто́льныея труды́ тво́я, / и́миже в земли́ Ко́льстей тру-
ди́лся еси́ // во благове́стии Христо́ве.

Псалом избра́нный:

Преподо́бнии Тво́й сла́ву Ца́рствия Твоего́ реку́т и си́лу Твою́
возглаго́лют. / Се удали́хся бе́гая и водвори́хся в пусты́ни. /
Услы́ши ны, Бо́же, Спаси́телю наш, упова́ние всех конце́в зем-
ли́. / Се́вер и мо́ре Ты созда́л еси́. / Воца́ри́ся Бог над язы́ки. / Воз-
вести́те во язы́цех сла́ву Его́, во всех лю́дех чудеса́ Его́. / Видех
неразумева́ющия и истаях. / Провещает язы́к мой словеса́ Тво́я. /
Стра́ху Госпо́дню научу́ вас. / Научу́ беззаконны́я путе́м Твои́м. /
Госпо́дь не оста́вит преподо́бных Свои́х, вове́к сохра́нятся. /
По́йте Госпо́деви, преподо́бнии Его́, и испове́дайте па́мь свя-
ты́ни Его́. / Храни́т Госпо́дь ду́ши преподо́бных Свои́х. / Сла́ва
сия́ бу́дет всем преподо́бным Его́.

Сла́ва и ны́не: Аллилу́ия (Три́жды).

По полиеле́и седа́лен, глас 4:

До́лгий путь земна́го шестви́я, / преподо́бне Феодорите, Бо́-
гом да́нный, проше́д, / испове́дник ве́ры Христо́вой яви́лся
еси́, / гоне́ние за пра́вду ве́ры претерпе́л еси́, / с ли́ки преподо́б-
ных сочета́лся еси́, / те́мже, поклоня́ясь, моли́м тя, преподо́бне
о́тче: // моли́ Христа́ Бо́га спасти́ся душа́м на́шим. (Два́жды)

Сла́ва и ны́не, пра́здника:

Твоё пра́зднуем Успе́ние, Пречи́стая, / в не́же прииде из Тебе́
воплоти́выйся Христо́с Бог наш со сла́вою неизрече́нною
прия́ти Тво́й дух. / Тем а́ще и преста́вилася еси́, // но нас, Богоро́-
дице, моли́твами Твои́ми не преста́й посеща́ти, пою́щих Тя.

Степѣнна, 1-й антифѣн, 4 гласа. Прокімен, глас 4:

Честна пред Господем / смерть преподобных Его. **Стих:** Что воздам Господеву о всех, / яже воздаде ми? **Всякое дыхание:** Евангелие от Матфея, зачало 43.

По 50-м псалмѣ стихира, глас 6:

Премудрости твоей и слову разумному / вси идольстии служители удившася, / и свою суетную веру яко безбожну оплеваша, / и тобою проповедаемому Христу от души вероваша: / Егоже моли, премудре Феодорите, / спастися всем, священное твое торжество совершающим // и верою чтущим всечестную память твою.

Канон праздника вторый, глас 4, со ирмосом на 8: Отверзу уста моя: И святаго на 4, глас 4:

Песнь 1

Ирмос: *Пределив пучину Чермную Бог, / фараона погрузивый в ней, / провед Моисея немокренно в пустыню / и одождив манну в снедь людем Израилевым, // яко силен.*

Запѣв: *Преподобне отче Феодорите, / моли Бога о нас.*

Словецких отоков постриженник честный, / возлюбленник Божия Матере бывый, / ревнитель подвигов древних, подвижник новый, / молитву, яко копие и щит, приемый, / страшен демоном и тьме язычестей явивыйся, / Феодорите преподобне, моли Христа Бога спасти души наша.

Воспойм, вси людие, преподобнаго Феодорита, / многими молитвами милость Божию обретшаго / проповедати лопарем диким слово Евангельское, / многих сущих в идолослужении в веру Православную крестити / и к Богу приводити, / в земли сей мнози церкви поставити и освятити. / Славу Христу Богу нашему воздадим: / славно бо прославися.

Яко в день славнаго Вознесения Своего / заповеда Господь Иисус Христос учеником Своим и апостолом / нести Слово Божие даже до края земли, / тако, преподобне Феодорите, прием словеса сия, / яко равноапостольный, Благовестия служение понесл еси к лопи дикой / и край земли просветил еси. / Сего ради ты вси, яко единоревнителя апостолом, / песнями почитаем.

Богородичен: Недугующую безбожием тварь всю, / Бога рожда-
ши Исцелителя, Дево, исцелила еси преславно. / Темже, благода-
ряще, взываем Ти: / несть пречисты паче Тебе, Владычице.

Катавасия праздника

Песнь 3

Ирмос: Утвердися сердце мое в Господе, / дающем молитву мо-
лящемуся, / яко лук сильных изнеможе, // и немощствующи
препоясаша силою.

Измлада Христа возлюбил еси, преславне, / и, Того соблю-
дая Божественныя заповеди, / к Тому притекл еси весь цел, /
Феодорите всечестне, / ныне же со Ангелы молишия прилеж-
но, душею и телом девственный. / Темже, днесь всесвятую твою
память празднующе, / освящаемся вси любовью, чтущии тя.

От юности прилежал еси премудрости, преподобне Феодо-
рите, / и детельное художество достигл еси богословия, / и, яко
апостол, землю Кольскую, идольским мраком отягченную, / про-
светил еси светом Евангельским. / Меч обоюду остр язык твой на
идольских служителей бысть, / пресекая тех учения; / темже ты
священными песнями прославляем.

Востаните, веры Православныя исповедницы, / грядем, хва-
лы поюще, труды духовныя святых земли полунощныя прослав-
ляюще, / и первого в подвижницех, истиннаго их учителя почи-
таемаго, / преподобнаго Феодорита, просветителя Кольскаго,
прославим, / непрестанно молящагося о спасении душ наших.

Богородичен: Припадаем к Тебе, Милостивая, / к покаянию воз-
двигни ны, / избави от чрева мрачныя бездны / и от врат адовых
оградь ны. / Ведуще милосердие Твое, вемы, / аще Господь услы-
шит Тя, / да ны помилует.

Кондак праздника, глас 2:

В молитвах Неусыпающую Богородицу / и в предстательствах
непреложное упование / гроб и умерщвление не удержаста: /
якоже бо Живота Мать / к животу престави // во утробу Всели-
выйся приснодевственную.

И́кос:

О гради́ моя помышлѣния, Христѣ мой, / и́бо Стѣну ми́ра воспе́ти дерзаю, Чи́стую Ма́терь Твою́, / на столпе́ глаго́л укрепі́ мя и в тяжких мы́слех заступі́ мя, / Ты бо взыва́ющим и прося́щим ве́рою мо́ления исполня́еши. / Ты мне у́бо да́руй язы́к прино́сен и по́мысл непосты́ден: / вся́кое бо дая́ние сия́ния от Тебе́ низпосы́лается, Светопода́телю, // во утробу всели́выйся присноде́вственную.

Седа́лен свята́го, глас 2:

Нищету́ телѣсную позна́вый, / духо́вным бога́тством обога́тился еси́, / ума́ пречу́днаго и бо́дреннаго учителю, / и, в дѹхе и и́стине возраста́я, / от Христовых овец словесы́ своими прѣлесть идо́льскую отгна́л еси́. / Невре́дно духо́вная своя ча́да вы́ну сохра́няеши, / восхваля́ем тя, Феодорите блаже́нне, глаго́люще: // моли́ Христа́ Бога́ спасти́ся душа́м на́шим. *(Два́жды)*

Сла́ва, и ны́не, Богоро́дичен пра́здника, глас 1:

Всечестный ли́к премудрых апо́стол собра́ся чу́дно / погребсти́ сла́вно те́ло Твое́ пречисто́е, Богоро́дице Всепѣ́тая, / с ни́миже воспѣ́ша и А́нгел мно́жество, / преста́вление Твое́ че́стно хва́ляще, е́же ве́рою пра́зднуем.

Песнь 4

Ирмо́с: *Небеса́ добродѣтель Твоя́ покрыва́ла ест, / и земля́ исполнися сла́вы Твоея́, Христѣ. / Те́мже ве́рно вопи́ем: // сла́ва си́ле Твоей, Го́споди.*

От юности Христа́ всею душо́ю возлюбивый, / да́ры Ду́ха Свята́го изде́тска восприя́л еси́. / Тринадесятоле́тним о́троком во оби́тели Соловѣцтей мона́шеский по́стриг прия́л еси́: / небесным а́нгелом во смире́нии и терпѣ́нии на земли́ поживый, / во плоти́ безплотным уподо́бился еси́ / и четы́редесяти лет на апо́стольскую стезю́ возше́л еси́. / Ра́дуйся, земле́ Ко́льская, / Бо́жиим благово́лением дивна́го окормителя́ обрѣ́тшая.

Со преподо́бным отце́м Трифо́ном / подвиза́лся еси́ вку́пе в прегорча́йшей пусты́ни, / умуча́я и покоря́я плоть свою́ в порабо́щение и послуша́ние ду́ху, / пита́лся от жесто́ких зе́лий и ко-

рений, / Богом хранимь бысть. / Напился еси сладости пустынных, / понеже пустыня есть покоя и ума почивание, / презельная родительница и воспитательница, клевет и тишина мысли, / божественнаго зрения плодовиый корень, истинная содружбница с Богом. / Пребыв тамо со оным предреченным старцем / двадесят лет во святем и непорочнем жительстве, / по ступеням добродетелей возшел еси, всехвальне.

Во оной прегорчайшей пустыни, / на устии великия Колы-реки старец предивный созидает монастырь / и в нем поставляет церковь во имя Пребезначальныя Троицы. / Собирает средю мнишескую и правило им священное уставляет, / заповедающе общу и отнюдь нестяжательно жити / и своими руками пищу добывать, яко рече великий апостол: / яко аще кто не хочет делати, ниже да яст.

Богородичен: Ангелов и Архангелов превысшая, / честнейшая Херувим и славнейшая Серафим, / яко Купина неопально Бога приявшая, / рождающая миру Спасителя, млеко Своим Младенца питающая, / матеродевственною чистотою свет осиявая, / милости неоскудныя нам источая. / Тебе кланяемся, Тебе благодарим, / из глубины души тако воспеваем: / радуйся, Благодатное Небо, / из Тебе возсия Солнце правды – Христос Бог наш.

Песнь 5

Ирмос: *Мрак разреши грех мой, / внемди возсияти Ти утро светлое заповедей Твоих, // Господи, Неприступный Свете.*

Феодорит Русский широко ходит – / тако почиташе народ лопский премудраго просветителя своего. / Ты же, церкви созидая и освящая / во устии Нивы-реки и великия реки Колы, / многих лоплян крестил еси во святую веру Православную, / Пресвятую Троицу возславляя. / Тако и мы возопиим: / Троице Святая, слава Тебе.

Яко храбрый воин Христов, / всякаго мирскаго пристрастия кроме, отче, быв, / противу начал властей темных, миродержцев века сего, возстал еси. / Духовный отец и наказатель бысть преподобному Варлааму, / пришедшему к тебе, известуя о убийстве и прося прощения, / слезами землю омакая о содеянных в ярости и невоздержании. / Ты даеши ему иго легкое: / еже мертваго носити во гробе, дондеже изгниет тело умершия супружницы, / самому же в посте и молитве пребывать / и таково воздержание имети, / яко и рыбе точию единою на Пасху причащаться.

Многими грехми обремененныя, / приведи ны, Феодорите,
к покаянию, / яко искусен еси целити согнившия неисцельныя
раны, / сиречь презлая дела в человецех, иже многолетняя обык-
новения, / от младости утвердившаяся в душах людских. / Научи
ны, отче преблаженне, / очищати и просвещати сердца наша / и
ко Господу прилеплятися многим покаянием.

Богородичен: От веры теплыя вопию Ти, Богородице, / недо-
стойными усты и скверным сердцем: / спаси мя, погруженного
грехми, / ущедри умерщвленного отчаянием, / да зову Ти спа-
саемь: / радуйся, Дево, христиан Похвало!

Песнь 6

Ирмос: Приидох во глубины морския, / и потопила мя есть буря
многих грехов, // но, яко Бог, из глубины возведи живот мой,
Многомилостиве.

Подвигом добрым в пустынях Фиваиды северныя подвизал-
ся еси, / писмена лопарская создав, / во еже священницы
лопарским языком служаху, / канонарси по лопарским книгам
пояху, / певцы же всяко пение лопарски возглашаху. / Бысть
язык твой, преподобне, трость книжника скорописца. / Божие
величие на языке лопском ясно изъяснив, / в познание Христово
привел еси лопляны многия. / Темже духовная чада твоя / к мо-
нашескому житию привел еси из народа некогда варварского. /
Яко тобою избавльшися от идолов, / благодарно тебе зовем: / ра-
дуйся, Феодорите, учителю премудрый.

Самозванен неищущим тебе, преподобне, обрелся еси, / люди,
от идольския лести свободив, / ко Христове вере привел еси и
лопския нойды посрамил еси, / темже и первый учитель Лаплан-
дии был еси. / Сего ради духовная твоя чада, яко тобою избавль-
шися от идол, / благодарная тебе возопиём: / радуйся, Феодори-
те, учителю премудрый.

Божественною силою свыше одеян, преподобне, / ярем Хри-
стов взял еси, / и людей оляденевшая древле неверием сердца
возделал еси, / Божественное семя в них всеяв, / и евангельски
духовне породил еси, / приводя души заблудших ко Христу
Владыце.

Богородичен: Мати Божия Пречистая, / слезы о нас, грешных,
проливаеши о нашем спасении, / Сына Твоего просиши, / да
простит наша прегрешения, и помилует, / и в Царство Небесное
двери отверзет.

Конда́к свята́го, глас 5:

Обітели Солове́цкія о́трасле многоплóдная, / мона́хов на-
ста́вниче, пока́янія пропове́дниче, / ца́ря зема́го да́ры Не-
бе́снаго ра́ди Ца́рствія отве́ргл еси́, / красо́тою душе́вною в зем-
ли́ Се́верней проси́ял еси́, / ра́дуйся, богому́дре о́тче Феодори́те, //
земли́ Ко́льскія засту́пниче те́плый.

И́кос:

Ангел о́бразом в затво́ре Ростóвстем, / богослóвیا рачи́телю,
измла́да мно́зи язы́ки наро́дов позна́л еси́, / вняв гла́су Бо́-
жию, глаго́лющу: / пойді́ по земли́ необита́нней и непрохо́д-
ней, / по земли́ безводней и непло́дней, / святи́телю Стефа́ну
Пе́рмскому подо́бся, / к просвеще́нию земли́ Ко́льстей гото́вя-
ся. / Те́мже благода́рственно вопи́ем ти: / ра́дуйся, гра́да Ростóва
благое́ прозябе́ние; / ра́дуйся, благочесті́вых роди́телей чи́стое
порожде́ние; / ра́дуйся, земли́ Ру́сскія духо́вное украше́ние; /
ра́дуйся, му́дрый стра́нниче, иски́й Оте́чества Го́рняго; / ра́дуй-
ся, јако да́ры Ду́ха Свята́го изде́тска воспри́ял еси́; / ра́дуйся, јако
от ю́ности своея́ Еди́наго Христа́ всею́ душе́ю возлюбил еси́; /
ра́дуйся, о́тче, отце́в Ко́льских красо́то; // ра́дуйся, преподо́бне
о́тче Феодори́те, земли́ Ко́льскія засту́пниче те́плый.

Песнь 7

Ирмо́с: *Образу злато́му не поклоні́вшися, / о́троцы авраі́мстии
искуша́хуся, / јако злато́ в горни́ле, в пе́щи о́гненной, / јако в чер-
то́зе све́тлем, ликова́ху, пою́ще: // благослове́н еси́, Бо́же оте́ц
на́ших.*

Укроше́нием плóти, постóм и моли́твою противля́яся си́лам
бесóвским, страша́щимся све́та Христо́ва, / зе́млю Се́верную
полуно́щную, клеветáми зла́ и тьмы́ порабо́щенную, / сло́вом
Ева́нгельским просвети́л еси́, / на путь пока́янія от нече́стия и
многоле́тнаго дрéвняго неве́рія / в ве́ру Христо́ву язы́цы, су́щия
в идолослуже́нии, наста́вил еси́, Феодори́те преді́вне, / и, јако
злато́ в горни́ле, искуше́н быв, воспева́л еси́: / благослове́н еси́,
Бо́же оте́ц на́ших.

Мно́ги ско́рби пра́веднику, и от всех их избавля́ше тя Го-
спо́дь: / би́ение, оклеветáние, / изгна́ние от воста́ющих на тя но-
вособра́нных мни́хов, со диа́волом сложі́вшихся, / во смире́нии
при́ял еси́, ста́рче преді́вный. / Моли́ся о нас, о́тче преподо́бне, /

да наша скорби Господь в радость претворит, темже Ему возопи-
им: / благословен еси, Боже отец наших.

Яко солнце чистое, житие твое возсия, преподобне, / тьму
идолобесия от людей словесы твоими, яко пращею, отгна еси, /
волшебная буесловия, яко премудр, посрамил еси / и звати всех
научил еси: / благословен еси, Боже отец наших.

Богородичен: Вместилище Божие, и палата красна, и божественный престол, / на немже седе, уготова всем седение небесное, явилася еси, Пречистая Дево. / Сего ради взываем: / Благословенная, Яже Бога плотию рождающая.

Песнь 8

Ирмос: Избавителю всех Всесильне, / посреде пламене благо-
чествовавшия, / снизшед, оросил еси / и научил еси пети: // вся
дела благословите, пойте Господа.

Яко мужа искуснаго и мудраго, призвал ты великий царь Иоанн /
и повеле посольствовать в Царьград ко Патриарху, / дабы
исходатаити благословения о короновании, / яковым чином це-
сари римстии, сущии христианстии, от патриархов венчаеми
быша. / Ты же, повеления царя послушав, уже в старости ма-
ститей и в немощном телеси / поиде с радостью на такое по-
сольство. / И хождаше вящше лета единого, многия на пути беды
и труды подъяв, / и принесе со благословением соборным по-
слание от Патриарха / ко царскаго сана возведению Великому
князю Российскому. / Мы же, дивящися послушанию твоему, Бо-
гови воспеваем: / благословите, вся дела Господня, Господа.

Егда восхотел царь Иоанн почтiti ты, отче, дары богатыми да
властию духовною, / тогда дары царя земнаго Небеснаго ради Цар-
ствия отвергл еси, якоже рече: / аз властию и сребреники, такожде
и драгоценными одеждами, / не обыкох наслаждатися, ни укра-
шатися, / даруй их всем, яже просят от тебе; / но точно сего про-
шу, / да с покоем и со безмолвием в келлии до изшествия моего
пребуду. / Темже, внимая словесем твоим премудрым, / от усердия
нашего сице вопием: / благословите, вся дела Господня, Господа.

Воистину сие удивления достойно: / како в толицей старости
маститей в келлии с покоем пребыти не восхотел еси, старче
предивный, / таковыя неудобоприятныя и жестокия пути паки
претерпел еси, / летом плавая по морю, / зимою же на скоро-
шественных еленех ходя по непроходным пустыням, / усердно
посещал еси чада своя духовная, / яко мнѣхи, такожде и ло-
пляны, / наученныя и крещенныя тобою в веру Православную. /

Мы же, дивящися благим твоим подвигом, / почтим их сердцем и усты, / да благоприятно чудодѣющего в тебе Бога воспоём: / благословите, вся дела Господня, Господа.

Богородичен: Радость всему миру родила еси, Дево Неискусобрачная, / Невместимаго вместившая, / блаженно чрево Твое, Бога носившее. / И ныне, имущая дерзновение ко Господу, / присномолящая Сына Твоего, умилосердися на люди грешныя и беспомощныя / и не остави нас, Божественный Покрове душам нашим.

Песнь 9

Ирмос: *Величаем вси человеколюбие Твое, Христе, Спасе наш, / Славо раб Твоих и Венче верных, // возвеличивый память Рождшия Тя.*

О, пастырю предивный, / яковую тихость и кротость многую имел еси, / и яковая наказания премудрая и в гонениях предивная, / и наисладчайшая беседования, и польовательная апостолоподобная вещания / даровал еси сыновом твоим духовным, / попечение имея о спасении душ множайших чад твоих во вся дни земныя / и до праведныя твоея кончины во обители Соловецтей.

О, Феодорите преблаженный, / како не удивитися нам добродетельным делом твоим предивным! / Что возглаголем о том, яковая имел еси дарования от Бога, / сиречь дары Духа Святаго: / силы исцеления, дар пророчества, дар мудрости / грешники уловляти от презлых дел диавольских, / и наставляти на путь покаяния, / и приводити от нечестия и многолетнего древняго неверия / в веру Христову языки неверныя. / О, пастырю предивный, похвальная восписуем ти, / творящии память твою!

Востани с нами, православный соборе вселенский, / почтим и прославим подвиги апостольския преподобнаго отца нашего Феодорита, / семя правды евангельския во языцех земель северных посеявшаго / и вся сия ко Христу приведшаго.

Богородичен: Яко Крин Небесный среди терниев грехов человеческих, / процвела еси, Богоотроковице, на земли, / Богом Отцем избранная и Духом Святым осененная, / Сына Божия, Спасителя миру, рождающая / и венцем Небесным Троицею Святою увенчанная. / До Рождества, в Рождестве и по Рождестве Приснодевою величаемая, / Ты благоухаеши всякою чистотою, / из Тебе бо произыде Господь Иисус Христос. / Тебе, Чистую, славим и умильно тако воспоим: / радуйся, Божественный Покрове душам нашим.

Светилен

Труды тяжкими и подвиги многими / с терпением и смирением навёты вражия, и клеветы от лжеглагольников, / и гнёвы царския напрасныя претерпел еси / и труд апостольский творити до смерти не престал еси. / Яко не можаше свеща тайтися под спудом, но токмо на свещнице, / тако и труды твоя, отче наш Феодорите, / не можаху быти сокрыты от любящих тя // и светло возсияли суть в северных концех Русския земли.

Слава, и ныне, праздника:

Апостоли, от конец совокупльшися zde, / в Гефсиманийстей авеси погребите тело Моё, // и Ты, Сыне и Боже Мой, прими дух Мой.

На хвалитех стихиры на 6. Стихиры праздника, глас 6:

Глаголом Божественного Гавриила последующе, / радуйся, Тебе зовем, Чистая. / Ты убо Пресвятая и Мати Господня, / к Сему преставльшися, // поминай о воспевающих Тя.

Неизмерная Премудрость Божия / храм Себе паче ума, Богородице, созда / из Тебе Духом Святым / и ныне Тя к невещественным селением // престави, Всепетая.

Раб, ныне прихожду к Тебе, Матери всех Бога, / от всяких избавитися напастей моляся, / но, о, Богородительнице, / царствующи с Сыном Твоим, // христианский род сохраняй.

Ины стихиры преподобнаго, глас 8:

От юности жаждал еси постническаго жития, / оружием иноческим: покаянием, смирением, / послушанием воле Божией, царству тьмы противился еси, / правило веры и образ кротости духовныя явился еси, / ветхаго человека совлёкся еси / и, стяжав благодать Духа Святаго, / в новаго человека облёкся еси, // в праведности и истине Божией утверждаяся.

В земли Русстей возсиявый, / на православных догматах воспитанный, / престарев и изнемогнув телом, отче Феодорите, / храбрство ревностию ко благочестию полагал еси / и тако жизнию своею Господу угодил еси. / Мы же, поминая тя, преподобне, // хваляще и благодаряще, Богу воспойм: аллилуия.

Рѣвностию по Бѣзе распалаемь, / попечѣние имѣя о спасѣнии душ чад своихъ духовныхъ, / и в неверныхъ сея проповѣдь евангельскую, / и умножая благочестіе, / врученнѣй тебѣ от Христа Бѣга талантъ во языкѣ ономъ глубокихъ и грубыхъ варваровъ преумножил еси, / не щадя ни старости, ни немощнаго тѣла, // сокрушеннаго многими лѣты и великими труды.

Слава, глас 7:

Еда немощно есть от Бѣга всякое слово? / Умиленною душею поклонимся Христу, плачуще и стѣнюще к Немѣ, / и даст Господь Всемогушій исполненіе всякаго прошенія, / егѣже просим от Него, / и обрящетъ просящій благодать Бѣжію пред очима Егѣ. / Темже и мы умиленною душею воспоемъ ко Господу, / кланяемся, и славословимъ Всещедраго Бѣга, / и благодаримъ Давшаго намъ севернаго апѣстола славнаго, // блаженнаго Феодорита, земли Кѣльскія просветителя.

И ныне, праздника, глас 3:

Приидите, вси концы земнии, / честное преставленіе Богоматере восхвалимъ, / в руке бо Сына душею непорочную положи. / Темже святымъ Успеніемъ Ея мир оживотворися, / во псалмѣхъ, и пѣніихъ, и пѣсняхъ духовныхъ // со Безплотными и апѣстолами празднуетъ свѣтло.

Славословіе великое и отпуст.

На часахъ: тропарь праздника, Слава: преподобнаго Феодорита. Кондакъ и праздника и преподобнаго читаются попеременно.

НА ЛИТУРГИИ

Блаженны от канѣна праздника, пѣснь 3-я – 4 и преподобнаго, пѣснь 6-я – 4. По входе: тропарь праздника, тропарь преподобнаго. Слава: кондакъ преподобнаго; И ныне: кондакъ праздника. Прокименъ праздника и преподобнаго, глас 7: Честна предъ Господемъ / смерть преподобныхъ Егѣ. Апѣстолъ къ Галатамъ, зачало 213. Аллилуія праздника и преподобнаго: Блаженъ мужъ, бояйся Господа, / в заповѣдехъ Егѣ восхощетъ зело. Евангеліе отъ Луки, зачало 24. Причастенъ праздника и преподобнаго: В память вечную:

ЯКЯФИСТ

преподобному Феодориту,
просветителю Кольскому

Кондак 1

Избранный уго́днице, Феодорите преблаже́нный, / како не
удивитися нам добродетельным делом твоим предивным? /
Что возглаго́лем о том, якова́я имёл еси́ дарования от Бо́га, /
сиречь да́ры Ду́ха Свята́го: / силы исцеления, дар проро́чества,
дар му́дрости, / умение грешники уловля́ти от презлых дел ди-
авольских / и наставля́ти на путь покая́ния, / дар приводи́ти от
нечестия и многоле́тнаго дре́вняго неверия / в ве́ру Христо́ву
языки неверны́я? / О, па́стырю предивный, / яко имей таковое
бога́тное дерзнове́ние ко Го́споду, / от всяких нас бед свободи́, /
с похвалением зову́щих ти: /

Ра́дуйся, преподо́бне Феодорите, // равноапо́стольное служе́-
ние в земли́ Ко́льстей нам явивый.

И́кос 1

Ангела земна́го и небесна́го челове́ка, / преподо́бнаго отца́
нашего Феодорита почти́м, / се́мя правды ева́нгельския во
языцех земель се́верных посе́явшаго / и вся сия́ ко Христу́ при-
ведшаго, / и просла́вим апо́стольския по́двиги его́. / Ангельское
твоё во плоти́ жити́е прови́дев, / всея́ тва́ри Созда́тель от ю́ности
твоея́ угото́ва тя в сосу́д че́стен, / те́мже научи́ вопи́ти тебе́ си́це:

Ра́дуйся, благочестива́го ко́рене о́трасле возвра́щенная;

Ра́дуйся, в научении́ кни́жном па́че сверстных просвеще́нный.

Ра́дуйся, в ю́ности ра́зум соверше́нный явивый;

Ра́дуйся, идо́льскую лесть в земли́ се́верней упраздни́вый.

Ра́дуйся, обите́лей и церкве́й зижди́телю неусыпа́емый;

Ра́дуйся, благове́стник Христо́ва уче́ния неиссяка́емый.

Ра́дуйся, о́тче преподо́бне, благода́тию Христо́вою осенённый;

Ра́дуйся, ста́рче блаже́нне, да́ром прозре́ния свы́ше одаре́нный.

Ра́дуйся, преподо́бне Феодорите, // равноапо́стольное служе́-
ние в земли́ Ко́льстей нам явивый.

Кондак 2

О, муже святы́й Феодорите, / рождество́ твоё от мѣста Ростова́
славнаго, / отонудуже и святы́й Сѣргий игу́мен провозрас-
те. / От рождѣния своего́ был еси́ чист и непорочен, / ясным умомъ
и благочѣстием одарѣн / и от юных лет Бѳгом на подвиг вѣлий
избран. / Издѣтска во обители святаго Григорія Богослова́ вос-
питанный, / тамо́ Бѳжиим смотрѣнием на путь светонаста́вника
язычников дивих изрядился еси́. / Мы же, зряще пути́ Бѳжия не-
исповѣдимыя, тебе́ уготованныя, / сице вопиѣм: // **Алилу́ия.**

Икос 2

Разум свѣше обрѣл еси́, / в затворѣ Ростовстем мно́зим языкомъ
навык, / богословію возжелѣл еси́ поучатися, и мно́жество
грѣческих писаний духовных изувѣдал еси́, / и тамо́ взалкал еси́
поити́ в зѣмлю необетованную, не путную, в зѣмлю жажду́щую, /
подобяся славному Стефану, Великія Перми́ просвѣщнику. / Мы
же, дивящися желанію послушника юностиаго и небомыслен-
наго, / тако́ воспоим:

Ра́дуйся, града Ростова́ благое прозябѣние;
Ра́дуйся, издѣтска воста́вый на Христо́во служѣние.
Ра́дуйся, любве́ ради Го́спода дом отѣческий оста́вивый;
Ра́дуйся, чистотою дѣтишною исто́чники страстей уста́вивый.
Ра́дуйся, от юности твоея́ Еди́наго Христа́ возлюбивый;
Ра́дуйся, сердце́ твоё зеркалом богомыслия утверждивый.
Ра́дуйся, целомудрия венце́м от юности увязанный;
Ра́дуйся, яко́ иде́ путе́м, Стефаном Пѣрмским указанным.
Ра́дуйся, преподобне Феодорите, // равноапосто́льное служѣ-
ние в земли́ Ко́льстей нам явивый.

Кондак 3

Втретиенадеся́тое лѣто́ возраста твоего́ от до́му родителей
своих изше́л еси́, блаженне, / удалился еси́ в монасты́рь, иже
есть во отоце Соловецѣм моря́ Сѣвернаго. / И тамо́ пребыв лѣто
едино, / в четвертоенадеся́тое же лѣто́ возрасту своего́ прия́л еси́
мнишеский образ / и наречѣн был еси́ Феодоритом. / Вдался
еси́ во свято́е послушаніе еди́ному пресвѣтеру Зосіме, / святу,
премудру и многолѣтну́ сущу. / Тамо́ же навѣче всяцей духовней
премудрости / и взыде ко преподобію по степенем добродѣте-
лей. / Мы же, дивящися таковому о тебе́ Бѳжию промыслѣнію, /
со умилѣнием вопиѣм ти: // **Алилу́ия.**

Їкос 3

Хиротонисан был еси от архиепископа Нова града славнаго Мака́рия во диа́коны, / изыде на созерца́ние ко явле́нному и вели́кому му́жу, чудотво́рцу су́щу, Алекса́ндру Сви́рскому. / Он же прия́л еси́ тя со провиде́нием вне монасты́ря, / усрести́ ты изшед, рече́: сын Авра́мль прииде́ к нам, Феодори́т диа́кон. / Яко́ чист у чи́стаго и непоро́чный у непоро́чнаго, / зело́ возлюби́ ты преподо́бный, до́коле пожил еси́ в монасты́ре о́ном. / Мы же, ви́дяще чу́дное Бо́жие смотре́ние о срете́нии сем, / вопие́м ти си́це:

Ра́дуйся, с жа́ждею к по́двигом ино́ческим себѣ устремивый;

Ра́дуйся, любви́ ради́ божественны́я жити́е пусты́нное возлюбивый.

Ра́дуйся, богому́дре, соверше́ннаго послуша́ния исполненный;

Ра́дуйся, яко́ ре́вность твоя́ по Бо́зе, яко́ пла́мень о́гненный.

Ра́дуйся, преподо́бнаго Алекса́ндра спо́стниче и собесѣдниче;

Ра́дуйся, Сви́рскаго моли́твенника любезный сослуже́бниче.

Ра́дуйся, дру́жбу и спобо́рение с Мака́рием Ри́млянином сохрани́вый;

Ра́дуйся, от уст Алекса́ндровых премудро́сть духо́вную уясни́вый.

Ра́дуйся, преподо́бне Феодорите, // равноапосто́льное служе́ние в земли́ Ко́льстей нам явивый.

Конда́к 4

Устремился еси́, о́тче всехва́льный, / изведати ре́вностно́ ины́ вели́кия монасты́ри, та́мо су́щия, / и оби́тели ма́лыя и пу́стыни, / ища́ хра́брых вои́нов Христо́вых, / яже вою́ют сопро́тив нача́л власте́й те́мных, миродо́ержцев ве́ка сего́. / И обше́д ины́ вси благооби́тельныя концы́, / обре́л еси́ духо́вных мни́хов и святы́х мужей мно́гих. / И та́мо сподвиза́лся еси́ с ними́, поревнова́в их жесто́кому и свято́му жител́ству, / умуча́я и покоря́я плоть свою́ в порабо́щение и в послуша́ние ду́ху. / Помози́ и нам, о́тче преподо́бный, / та́ко благода́тию Ду́ха очисти́тися, / да пое́м тобо́ю благода́ющему нам Бо́гу: // А́лилу́ия.

Їкос 4

Срѣтил еси́, о́тче, в ме́стех неудобопрохо́дных ины́х нема́ло мни́хов пусты́нников, / мужей освяще́нных и престаре́вших уже́ во днех. / И та́мо с ними́ в Фива́иде Се́верней, во труде́х духо́вных подвиза́ясь, / розже́глся еси́ желани́ем пусты́ннаго безмо́лвнаго жител́ства, / поне́же пусты́ня поко́я и ума́ почива́-

ние, / презельная родительница и воспитательница, / клевет и тишина мысли и божественного зренья плодови́тый ко́рень, / истиная содруже́бница с Бо́гом сопряже́ния духо́внаго. / Сему́ Бо́жию о тебе́ благоволе́нию дивя́щися, / воспева́ем ти си́це:

Ра́дуйся, трудо́в ра́ди духо́вных в пусты́нях посели́выйся;

Ра́дуйся, отсека́ти свою́ волю́ грехо́вную научи́выйся.

Ра́дуйся, любо́вь к путынножи́тельству со отцы́ раздели́вый;

Ра́дуйся, открове́нием по́мыслов ду́шу свою́ укрепи́вый.

Ра́дуйся, плоть свою́ ду́хови всеобра́зно покори́вый;

Ра́дуйся, ду́хом ра́зума язы́к лопарский новолéпный сотвори́вый.

Ра́дуйся, стра́нниче ма́лый, иский Оте́чества Го́рняго;

Ра́дуйся, возше́дый на высоту́ соверше́нства духо́внаго.

Ра́дуйся, преподо́бне Феодорите, // равноапосто́льное служе́ние в земли́ Ко́льстей нам яви́вый.

Конда́к 5

После́ди отше́л еси́, о́тче до́блественный, / в са́мый край земли́ се́верныя, в далеча́йшую пусты́ню, / в язы́к глубо́ких ва́рваров, лопаре́й ди́ких, / плывя́ вели́кою Ко́лою-реко́ю, / я́же впа́дает в мо́ре Си́верское. / И та́мо изше́л еси́ из кора́блеца́ и возше́л еси́ на го́ры вы́сокия, / я́же Свято́е Писа́ние нари́цает ре́брами се́веровыми, / и всели́лся еси́ в тех лесéх, / в вели́цых пу́стынях о́ных непроходи́мых. / И, та́мо воздвигну́в не́кое жили́ще, / себе́ сама́го предста́вил еси́ селéнием Бо́гу Вы́шнему, / при́сно поя́ Ему́ моли́твы в по́двизех и пощéнии: // **Алилу́ия.**

И́кос 5

Пропове́дует пусты́ня Лопарская по́двиги и трудо́ы тво́я, / бо-гоно́сне уго́днице Христо́в: / де́бри бо, леса́ и го́ры ея́ моли́твою облагоуха́л еси́, / проро́ком Бо́жиим и пусты́нником дрéвним подража́я. / Яви́лся еси́ пусты́ни Ко́льския прозябе́ние многопло́дное, / дара́ми Ду́ха Свята́го осия́нное. / Мы же, суето́ю помраче́ннии и во гресéх все жити́е ижди́вшии, / дивя́щися по́двигу́ тво́ему́ пусты́нному, / си́це вопи́ем:

Ра́дуйся, отше́льниче и молча́льниче предивный;

Ра́дуйся, исто́чниче богому́дрия неизжди́вный.

Ра́дуйся, земли́ да́льния моли́твенниче усéрдный;

Ра́дуйся, пусты́ни Ко́льския прозябе́ние благосéрдное.

Ра́дуйся, цве́те райский, на ка́мени ре́бер се́веровых прозябы́й;

Ра́дуйся, я́ко за́поведи Бо́жией не преступи́ и судьбы́ Его́ не забы́.

Ра́дуйся, благогласниче, до конѣц земли́ сло́во Бо́жие воспѣ́вый;
Ра́дуйся, боготѣчное свети́ло, вси концы́ пусты́ни я́ве облиста́вый.
Ра́дуйся, преподо́бне о́тче Феодорите, // равноапосто́льное
служѣние в земли́ Ко́льстей нам явивый.

Конда́к 6

Обрелъ есть Феодоритъ сла́вный та́мо еди́наго ста́рца-пусты́н-
ника / и́менем Митрофа́на, си́речь во ино́честве Трифо́на. /
И пребыва́ша вку́пе в прегорча́йшей пусты́ни, Бо́гом храни́-
мии, / пита́ющесе́ от жесто́ких зе́лий и корѣ́ния, / ихже та́мо со-
твори́ пусты́ня о́ная. / И подви́зася та́мо со о́ным предрече́нным
ста́рцем, / а́ки два́десятъ лет во свѣ́тѣм и непоро́чном житѣ́льстве. /
Та́ко ми́лостію Бо́жію просвети́тели Ко́льстии и чудотво́рцы, /
я́ко свети́льницы в земли́ се́верней, возже́ни бы́ша. / Мы же, тому́
врадостне́тивше, / Бо́гу си́це вопи́ем: // Алилу́ия.

И́кос 6

Просвети́ся свѣ́тым крещѣ́нием той язы́к ло́пский / труда́ми
ва́шими, отцы́ пресла́внии. / Рекли́ бо есте́ о язы́це сем, я́ко
лю́дии тии зело́ прѣ́сты, и кро́тцы, / и отню́дь вся́каго лука́вства
неиску́сны, / та́кожде ко спасѣ́нному пути́ тща́ливы и рачитель-
ны зело́, / я́ко последи́ мно́жества от них мни́шеское жити́е воз-
люби́ша / за благода́тию Христа́ на́шего и за Того́ свѣ́щенными
учѣ́нии, / поне́же научѣ́ни бы́ша Писа́нию и моли́тве, / яже при-
веде́ им от язы́ка словѣ́нска в язы́к лопа́рский Феодоритъ препо-
до́бный. / Мы же апо́сто́льство ва́ше че́ствуем провеща́нии си́це-
вы́ми:

Ра́дуйте́ся, тайни́цы Бо́жии, в пусты́ни не угаи́вшиися;

Ра́дуйте́ся, свети́льницы Христо́вы, во мра́це полно́щном про-
свѣ́тившиися.

Ра́дуйте́ся, невер́ных учѣ́нии свои́ми удивѣ́вшии;

Ра́дуйте́ся, о́вцы Христо́вы во еди́но ста́до совокупѣ́вшии.

Ра́дуйте́ся, идо́льския ле́сти усѣ́рднии истреби́телие.

Ра́дуйте́ся, диа́вольских ко́зней благоде́рзновеннии обли́чителие;

Ра́дуйте́ся, умы́, демоностра́шием пленѣ́нныя, боже́ственным
свѣ́том озари́вшии;

Ра́дуйте́ся, равноапосто́ли сла́внии, язы́ки се́верныя в ве́ру
улови́вшии.

Ра́дуйте́ся, преподо́бнии отцы́ Ко́льстии, // равноапосто́ль-
ное служѣ́ние в земли́ се́верней нам показавшии.

Кондак 7

Яко храбрый воин Христов, / всякаго мирскаго пристрастия
кромѣ, отче Феодорите, быв, / противу начал властей темных,
миродержцев века сего востал еси. / Духовным отцем и наказате-
лем бе преподобному Варлааму, / пришедшему к тебе, известуя о
убийстве и прося прощения, / слезами землю омакая о содеянных
в ярости и невоздержании. / Ты же дал еси ему иго легкое: / еже
мертвого носить во гробе, дондеже изгниет тело умершия супру-
жницы, / самому же в посте и молитве пребывать, / и таково воздер-
жание имети, / яко и рыбе точною единою на Пасху причащаются. /
Мы же, дивящися повелению Духа в епитимии таковой / и смирен-
ному послушанию Варлаамову, / Подвигоположнику, скорби наша
в радость претворяющему, / сице вопиём: // Аллилуия.

Икос 7

За благодатию Христовою распространися в том языке пропо-
ведь евангельская, / и явлению быша тобою, отче чудодетель-
ный, / во глубоких варварех чудеса и знамения, / яко глаголет
божественный Павел: / знамение, рече, не верующим, но безвер-
ников ради. / Тогда наученнии от тебе и оглашеннии лопляне /
единого дня крестятся, яко две тысячи и со женами и детьми. /
Сице сей блаженный и апостолом подобный муж / исправил есть
труды своими. / Мы же, взирающе на дела сия и дивящися, / сице
вопиём ти:

Радуйся, Троицу Божественную право славити научивый;
Радуйся, оляденевшая сердца чад своих согревый.
Радуйся, яко возмогл еси нойд лопарских мудрования препрети;
Радуйся, краткий посреде чад, якоже дойлица, греющий своя дети.
Радуйся, многих чудес творения от Господа явивый;
Радуйся, духовных чад твоих крещением породивый.
Радуйся, честное носило Святыя Троицы и похваление;
Радуйся, чистотою и святынею Ангелом уподобление.
Радуйся, преподобне отче Феодорите, // равноапостольное
служение в земли Кольстей нам явивый.

Кондак 8

Не терпит древний супостат человеческого рода, / очима за-
вистными зря благочестие, / трудами твоими, отче Феодо-
рите, возрастаемо, / и разседався ненавистию. / Подуцает на тя

новособранных монастыря мнихов, / шепча невидимо во уши и глаголя им в сердце: / тяжек вам путь сей и неподъемлем, / и никтоже возможет от человеков претерпети уставом, / вам от игумена преданным; / како можете без имений жити, / своим руками хлеба добывающе? / Ты же, отче святыи, / моляся об обращении заблуждающих, / молчаливою кротостию и игуменской твердостью / сих вразумлял еси, воспевая Богу: // **Алилуия.**

Икос 8

Понегже иную заповедь, отче преподобный, / предал еси им, устав Соловецких Зосимы и Савватия: / кому не токмо жены, / ниже скота единого отнюд женского полу не имети тамо. / Сего ради сложившися со диаволом, мниси они вознействовишася: / имают тя, старца святого, и бьют нещадно, / и от страны той изгоняют, аки врага некоего. / Ты же поиде от тех пустынь поневоле, / и бываеши поставляемь от святителя Макария игуменом / во монастыре Кокуевом, на устье реки Нивы, над морем на наволоце. / Мы же, зряще твое крепкое благодушие и зиждителя терпение, / благочестно тя почитаем и со удивлением вопием ти сице:

Радуйся, мужу скорбей, сорадуяся со святым Павлом во страдании;

Радуйся, со смирением таковыя беды претерпевый во изгнании.

Радуйся, яко пастырь милосердный, возвращенных чад не отринувый;

Радуйся, яко отец миролюбивый, выну я ко Христу зовый.

Радуйся, научаяй крест свой невозносительно и терпеливно нести;

Радуйся, якоже сам себе восхотех искреняго своего спасти.

Радуйся, адамANTE, козньми вражиими несокрушимый;

Радуйся, вязавый князей вражиих запрещением нерешимым.

Радуйся, преподобне отче Феодорите, // равноапостольное служение в земли Кольстей нам явивый.

Кондак 9

Царь же великий Иоанн Васильевич / абие призывает тя, отче, / и поставляет архимандритом Евфимиева монастыря, / иже есть близ великаго места Суздаля. / Понегже и там обрел ты зело необузданных мнихов / и своевольно, не по уставом и святым правилом живущих, / ихже обуздаваеши и востязаети страхом Божиим, / наказуя по Василиеву уставу жительствовати, / и

обличаеши за сребролюбие и пьянство. / Мы же, ведуще тя, яко мужа не токмо в разуме и премудрости мнозей, / но и от рождения своего чиста и непорочна, / ктому же и трезвость во вся дни живота своего храняща, взываем ти: / не забуди нас в непорочных молитвах твоих, / в радости Богу поющих: // Алилуия.

Икос 9

Видяще тя, мнози тамо живущии мниси, / нарочитии и доброжительнии мужи, / вседушне обрадовани ти быша, яко мужу исперва во преподобии и святыни сущу. / И о сем паче лукавии мниси завистию разседаеми быша, / видевши тя от благолюбивых и святых иноков вельми почитаема. / Ты же зван был еси, отче превозвышенный, / ко двору царскому, яко знанный богослов и ведущий греческий язык, / посольства ради от Патриарха Константинопольскаго. / Мы же, просвещаемы светом добродетелей твоих, / со умилением песнословим сице:

Радуйся, христианскаго благочестия истинный хранителю;

Радуйся, Златоустаго Святителя мужеству ревнителю.

Радуйся, гласе небесныя истины, злонравных и буйх умудряя;

Радуйся, грOME благодатный, соблазняющих устрашая.

Радуйся, врагов Церкви Христовы зазорчивый обличителю;

Радуйся, нечестивых витий немолчный посрамителю.

Радуйся, знанный богослове беседования превыспреннаго;

Радуйся, чуден песнословец жития ангельскаго, истоваго.

Радуйся, преподобне отче Феодорите, // равноапостольное служение в земли Кольстей нам явивый.

Кондак 10

Пишеша, преподобне отче Феодорите, / епистолию на Печенгу ко искреннему другу своему Трифону, / дабы старца сего пред царским лицом поставити / и об обители его ходатайствовать. / И оттоле великий Царь возлюбил есть страны Печенжския, / а паче преподобнаго Трифона, / и, пожаловав его и одарив обитель кампаны и церковною утварию богато, / отпустил есть с милостивым призрением. / Потщимся же и мы / всемерно подражати братолюбию и щедроству твоему, Феодорите, / да благоприятно Богу возопием: // Алилуия.

Їкос 10

Паки призываетъ те царь, яко мужа искусна и мудра, / повелеваяй посольствовати к Патриарху Константинопольскому / и просити благословения о короновании, / и о такомъ благословении и о величании, / яковымъ чиномъ христианстии Цесари Римстии / от Папы и Патриарховъ венчаеми быша. / Ты же повеления царева послушал еси, / уже в маститей старости и в немощнем телеси пребывая, / обаче поиде с радостию на такое посольство. / Мы же, дивящися послушанию твоему, / воспеваемъ ти сице:

Радуйся, при главизне царския власти стоявый;

Радуйся, крепосте державы нашея корень созидавый.

Радуйся, Грознаго царя ходатаю верный;

Радуйся, небрегущий болезни и старости тленной.

Радуйся, христианскаго благочестия истинный ревнителью.

Радуйся, особенный Российския державы хранителю.

Радуйся, немощи телесе ни во чтоже вменивый;

Радуйся, небесною славою душу твою возвеселивый.

Радуйся, преподобне отче Феодорите, // равноапостольное служение в земли Кольстей нам явивый.

Кондак 11

Ходил еси вѣщше лета единого, отче наш преподобне, / и на пути мнози беды и труды подъял еси, / тамо же огненнымъ недугомъ в Константине граде аки два мѣсяца объятъ был еси, / но и ото всехъ сихъ благодатию Божиею избавленъ был еси, / возвратився здрав, принесе со благословениемъ соборнымъ послание от Патриарха / ко царскаго сана возведению Великому князю Российскому. / Тако вещественно тобою бысть помышление велие: / Москва – Третий Римъ есть, / да и мы вси, достойно почитающе страдальчества твоя, / благодарственно вопиемъ Господу: // **Алилуия.**

Їкос 11

Иерарси гречестии во дивости глаголаша, / яко святому мужу оному, Феодориту Кольскому, / сам Патриархъ удивися, послушавъ речения и беседования его премудраго, / такожде и узревъ жительства его благоподражательнаго и священнолепнаго. / Егда восхотѣ царь Иоаннъ почитити те, отче, дары богатыми да властью духовною, / тогда дары царя земнаго Небеснаго ради

Царствія отвергл еси́, рече́: / аз яко вла́стию, так и сребреники
не обыко́х наслажда́тися, / но то́чию сего́ проше́, / да с поко́ем
и со безмо́лвием в кѣллии до изше́ствия моего́ пребу́ду. / Те́мже
внима́я словесе́м твои́м премудры́м, / от усер́дия на́шего вопие́м
ти си́це:

Ра́дуйся, о́браз нищеты́ духо́вныя дивно́ воспе́вый;

Ра́дуйся, ми́ра сего́ краса́я Бо́га ра́ди презре́вый.

Ра́дуйся, свеще́ неугаси́мая, в пусты́ни диве́й пламене́ющая;

Ра́дуйся, забра́ло злато́е, нас от бед и напа́стей защища́ющее.

Ра́дуйся, досто́славный в отце́х Правосла́вия храните́лю;

Ра́дуйся, досто́йнопѣ́тый в певце́х правотолю́бия ревните́лю.

Ра́дуйся, ратоборе́ц неусыпа́емый на стра́сти грехо́вныя;

Ра́дуйся, свети́льниче сия́й, горя́й дарова́нии духо́вными.

Ра́дуйся, преподо́бне о́тче Феодорите́, // равноапо́стольное
служе́ние в земли́ Ко́льстей нам яви́вый.

Конда́к 12

Воистину́ си́е уди́вления досто́йно: / како́ в толице́й ста́рости
масти́тей / в кѣллии с поко́ем пребы́ти не восхоте́л еси́, стар-
че предивны́й, / тако́выя неудобопри́ятныя и жесто́кия пу́ти па́ки
претерпе́л еси́, / ле́том пла́вая по мо́рю, / зимо́ю же на скороше́-
ственных е́ленех путе́хodiáй по непрохо́дным пусты́ням, / усер́д-
но посещáл еси́ ча́да своя́ духо́вная, / яко́ мни́хи, тако́жде и ло-
пляны́, / науче́нныя и креще́нныя тобо́ю в ве́ру Правосла́вную. /
Мы же, дивя́щеся благо́м твои́м по́двигом, / почти́м их се́рдцем
и усты́, / да благоприя́тно чуде́юще́му в тебе́ Бо́гу вопие́м: //

Алилу́ия.

И́кос 12

Востани́ с на́ми, правосла́вный собо́ре вселе́нский, / про-
сла́вим Благоде́теля всех Бо́га, / воздвигша́го в земли́ Рос-
сийстей преподо́бнаго о́тца́ на́шего Феодорита́, / по́двиги рав-
ноапо́стольныя в се́верных преде́лах Святы́я Руси́ понесе́шаго /
и пра́вду Бо́жию неве́дущим лопля́ном возвестивша́го. / Мы же
хва́лим тя вси́, великопропове́дателя Ла́пландскаго, / ублажа́ем
достопа́мятное жити́е твоё, / воспева́юще песнь благодаре́ния:

Ра́дуйся, челове́че Бо́жий, добродете́лями Ева́нгельскими
украше́нный;

Ра́дуйся, преподо́бным о́тцем Стефа́ну и Евфи́мию уподо-
бле́нный.

Ра́дуйся, побежде́ние враго́в ви́димых и неви́димых яви́вый;
Ра́дуйся, своим приме́ром нам путь ко спасе́нию открыви́ый.
Ра́дуйся, во Ца́рствии Небе́сном со Хри́стом пребыва́яй;
Ра́дуйся, нас во мразех грехо́в су́щих неоску́дно согрева́яй.
Ра́дуйся, исто́чнице боговещáнный, живонóсный и пречи́стый;
Ра́дуйся, стено́ и покрове́ земли се́верней и все́й держа́ве Рос-
сийстей.

Ра́дуйся, преподо́бне о́тче Феодорите, // равноапóстольное
служе́ние в земли Ко́льстей нам яви́вый.

Конда́к 13

О, великий просветителю земли Кольския, / равноапóстоль-
ный и богомудрый преподо́бне о́тче наш Феодорите, /
ско́рый заступниче всем нам во всяких беда́х и ско́рбех! / Ма́лое
сие́ наше приноше́ние прие́м, / умоли́ Подвигополо́жника и Со-
вершителя́ Иису́са, / да сохранит край наш се́верный, / и всякий
град, и страну́ христиáнскую от всякия напа́сти и обстоя́ния, /
да излиет на ны пото́цы милости Своея́, / да просветит ны луча́-
ми свя́тости, / и да изба́вит ны возду́шных мыта́рств и ве́чных
му́ки, / и сподо́бит Небе́снаго Ца́рствия Своего́, / иде́же с тобо́ю
и со́нмом святы́х Земли́ Росси́йския / воспое́м Бо́гови хвале́б-
ную песнь: // Алилу́ия.

Сей конда́к чтётся три́жды, зате́м 1-й и́кос и 1-й конда́к.

И́кос 1

Ангела земна́го и небе́снаго челове́ка, / преподо́бнаго о́тца́
нашего́ Феодорита́ почти́м, / се́мя пра́вды ева́нгельския во
язы́цах земе́ль се́верных посе́явшаго / и вся сия́ ко Хри́сту при-
ведшаго, / и просла́вим апóстольския по́двиги его́. / А́нгельское
твоё во плоти́ жити́е прови́дев, / всея́ тва́ри Созда́тель от ю́ности
твоея́ угото́ва ты в сосу́д че́стен, / те́мже научи́ вопи́ти тебе́ си́це:

Ра́дуйся, благочести́ваго ко́рене о́трасле́ возвраще́нная;
Ра́дуйся, в науче́нии кни́жном па́че све́рстных просвеще́нный.
Ра́дуйся, в ю́ности ра́зум соверше́нный яви́вый;
Ра́дуйся, идо́льскую лесть в земли́ се́верней упраздни́вый.
Ра́дуйся, оби́телей и церкве́й зижди́телю неусыпа́емый;
Ра́дуйся, благове́стник Хри́стова́ учения́ неиссяка́емый.
Ра́дуйся, о́тче преподо́бне, благода́тию Хри́сто́вою осене́нный;
Ра́дуйся, ста́рче блаже́нне, да́ром прозре́ния свы́ше одаре́нный.

Ра́дуйся, преподо́бне Феодори́те, // равноапосто́льное служе́-
ние в земли́ Ко́льстей нам яви́вый.

Конда́к 1

Избра́нный уго́днице, Феодори́те преблаже́нный, / како не
удиви́тся нам добродете́льным делом твои́м предивным? /
Что возглаго́лем о том, якова́я имёл еси́ дарова́ния от Бо́га, /
сиречь да́ры Ду́ха Свята́го: / си́лы исцелёния, дар проро́чества,
дар му́дрости, / уме́ние грёшники уловля́ти от презлы́х дел ди-
аво́льских / и наста́вляти на путь покая́ния, / дар приводи́ти от
нечёстия и многоле́тнаго дрёвняго неве́рия / в ве́ру Христо́ву
язы́ки неве́рныя? / О, па́стырю предивный, / я́ко имейя́ тако́вое
бога́тное дерзнове́ние ко Го́споду, / от вся́ких нас бед свободи́, /
с похвалёнием зову́щих ти: /

Ра́дуйся, преподо́бне Феодори́те, // равноапосто́льное служе́-
ние в земли́ Ко́льстей нам яви́вый.

ЖОУЖУЖА

преподобному Феодориту, просветителю Кольскому

О, преподо́бне и богоносне о́тче наш Феодори́те, Ду́ха Свя-
та́го сосу́де избра́нный, Христоподража́тельный в Небе́с-
ный Сио́н наста́вниче и руководи́телю всем, благоче́стно жи́ти
хотя́щим, о́бразе благодра́вия, благоиску́сный ко́рмчий кора-
бля́ мы́сленнаго, чрез мо́ре ми́ра сего́ к Небе́сному приста́нищу
пла́вающего, во па́стырех Христо́вых дивный первоподви́жни-
че, увенча́нный Божество́нною благода́тию, Вели́кия Лапландии
равноапосто́ле, па́стырю наш до́брый и учи́телю прему́дрый,
монастыре́й и церкве́й Божиих зижди́телю неутружда́нный, све-
ти́льниче Ру́сского Се́вера, вели́кий чудотво́рче и неусыпа́емый
моли́твенниче!

К тебе́ во умилёнии душ и сокруше́нии се́рдец благонаде́жно
притека́ем и вопи́ем, прося́ще смире́нно по́мощи твоея́ и те́пла-
го ко Христу́ Бо́гу предста́тельства. Да твои́ми богоприятными
моли́твами испро́сиши нам от Него́ человеколю́бную ми́лость
и оставле́ние мно́гих на́ших согрешёний. Посети́ ны обильно́ю
и свято́ю свое́ю любóвию, ёю́же сла́вно преуспе́л еси́ ещё́ во дни

твоя́ земны́я и до пра́ведны́я твоёя кончи́ны во оби́тели Соловѣц-
тей, вразумля́я нас в за́поведех Христо́вых, о ни́хже до́бре по-
ревновал еси́ до послѣдняго часа́ твоёя многотрудны́я равно-
апосто́льныя жизни.

Испроси́ нам, немощствую́щим душе́ю и бѣдствующим в скорѣ-
бех, благоприя́тное и спаси́тельное вре́мя на пока́яние, и́стин-
ное исправле́ние и обновле́ние на́шего жити́я, в нёмже мы, грѣш-
нии, осуети́хомся умом и се́рдцем, преда́хом себѣ непотрѣбным
и лю́тым страсте́м, поро́ком и беззаконием, и́мже несть числа́.
Приими́ у́бо, соблюди́ и покрый нас кро́вом твоёя мно́гия ми́ло-
сти, низпосли́ нам благослове́ние от Го́спода, да понесѣм благо́е
и́го Христо́во в долготерпѣнии до конца́ дней на́ших, ча́юще
бúдущаго живота́ и Ца́рствiя, иде́же несть печаль, ни воздыха́-
ние, но жизнь и ра́дость безконѣчная, изобильно проистека́емая
от Еди́наго Всесвята́го и Блаже́ннаго Исто́чника безсме́ртiя в
Тро́ице поклоня́емаго Бо́га, Отца́, и Сы́на, и Свята́го Ду́ха, ны́не,
и прiсно, и во ве́ки веко́в. **Ами́нь.**

Велича́ние:

Ублажа́ем тя, / преподо́бне о́тче наш Феодорите, / и чтим рав-
ноапосто́льныя труды́ тво́я, / и́миже в земли́ Ко́льстей тру-
ди́лся еси́ // во благо́вѣстii Христо́ве.

ЯРЯФИСТ И СЛУЖБА
ПРЕПОДОБНОМУ ФЕОДОРИТУ,
ПРОСВЕТИТЕЛЮ КОЛЬСКОМУ

Корректор – Анастасия Бочарова
Прориси икон – Инна Куксенко
Дизайн и оригинал-макет – Ольга Колчина

В электронном виде издание размещено
на официальном сайте Мурманской епархии:
<http://mmerparh.cerkov.ru>
в разделе «Книги митрополита Митрофана».

Сделать заказ можно:

- по электронной почте: eparhia_murmansk@mail.ru;
- по телефонам: +7-960 028 6677,
+7(8152) 25-97-61 или +7(8152) 25-53-38;
- на почтовый адрес: 183010, Мурманск, ул. Зеленая, 11.

Издательство Мурманской епархии
Мурманская митрополия
Русской Православной Церкви (Московский Патриархат)

ББК 86.372.24-50

Подписано в печать 10.08.2023
Формат 70 x 100 1/8. Тираж 300 экз.

Отпечатано в ООО «Типография «НП-Принт»
197110, Санкт-Петербург, Чкаловский пр., 15, тел. +7 (812) 325-22-97



Мурманская епархия